

# MATCHBRICHT VOM 21. Januar 2012

VBC Bödeli-Unterseen – SV THUN–STRÄTTLIGEN 25:8, 27:25, 25:27, 25:18

Mit vouem Tatädrang si mir am Fritig abe richtig Interlake gfahre. Mir hei gwüsst dases gäge Bödeli nid eifach wird si, aber mir hei o gwüsst mir chöi das u mir wei gwinnä.

Übere erscht Satz muessi gar nid viu säge, bi üs isch grad gar nüt gange wi mirs gärn hätte gha u hei dä Satz 25:8 (!!), so schlächt wi no nie, Bödeli müässä la zue cho.

Im zwöitä Satz hei mir de aui dchraue ume gwetzt u lu da es isch scho ume besser worde. Mir hei zwar geng no nid aui abnahme gäge füre chöne bringe aber mir hei kämpft. Leider heimr nid so viu glück gha u mir hei o dä Satz Bödeli müässä la zu echo.

Im dritte Satz hei mir gwüsst es geit um aues u mir wei no 3 Sätz spiele. U so hei mir, wenn o wieder knapp, dä Satz 27:25 gwunne.

Mir hei gwüsst mir chöi das u si vouer Tatädrang i viert Satz u hei gwüsst mir wei no 2 Sätz für üs entscheidä. D`Abnahme si wieder nid so cho wisä pasösä gärn hätte gha u i muess o mau erwähne Bödeli het haut o eifach guet abgnoh u viu Bäu grettet. Es het nid wöuä si u mir hei de ono dr letscht Satz Bödeli müässä abgä.

Ds Ziu hei mir somit nid erreicht vomnä Sieg, aber mir lö d`Chöpf nid la hange. Dr nächscht Match isch scho gli u det isch üses Ziu wieder 3 Pünkt mit hei znäh.